

la magnadora

diseva la mè mama
de 'n bambinel spavent
cucià 'ngremì 'n la paia
scaldà li sota 'l fen

'l gaven en ment
pensier de paze
'l gaven 'ndel cör
fiamma che arde

e tut che sluse
de festa granda
de gran magnade
dolci e sorisi

ma l'è 'ncor lì
dent en la stala
el bò 'l lo scalda
la gent la pasa

no la gh'è pù
la cuna sgropolosa
quel cucio morbi
che i n'à contà

l'è diventà 'n tacuin
l'è tut 'na magnadora
l'è diventà 'n mister
sto palesar dolceza

ma 'l bambinel l'è lì
scondù dedrè a quel'asen
co le sò rece spize

a scònder sto brut veder

la magnadora

no l'è così 'l Nadal

no l'è così l'amor

dedrè quel'animal

gh'è quel che sen dal ver

svöidan sta magnadora

da sto mercà de soldi

almen par en moment

par veder quel che è dent

Giuliano

Questo/a opera è pubblicata con una Licenza Creative Commons

